

# Jenis Pengalaman !!

- Sekolah anda telah meraikan guru-guru dalam **Majlis Sambutan Hari Guru 2022** pada minggu lalu. Pelbagai aktiviti telah dijalankan dalam sambutan itu. Gambarkan aktiviti yang dijalankan dalam sambutan hari guru.


Pada 16 Mei 2022 yang lalu, sekolah saya telah meraikan guru-guru dalam Majlis Sambutan Hari Guru. Tujuan sambutan ini diadakan adalah untuk **mengingati jasa guru** yang telah mendidik murid dengan berdedikasi. Murid-murid dan guru-guru **membuat persiapan yang rapi** untuk sambutan kali ini. Pelbagai **aktiviti telah dijalankan** dalam sambutan itu.

Sejak awal pagi, semua murid, guru-guru dan ahli Persatuan Ibu Bapa dan Guru telah **berkumpul di dewan sekolah**. Dewan sekolah telah **dihias dengan belon-belon** yang cantik. Para hadirin **mengambil tempat duduk masing-masing** di dalam dewan sebelum majlis bermula. Dalam **perhimpunan** ini, murid **menyanyi lagu kebangsaan**, **mendengar ucapan pengetua** yang telah merasmikan Sambutan Hari Guru 2022 dengan **pasang telinga**.

Seterusnya, **persembahan koir, nyanyian dan tarian** dan sebagainya yang dipersembahkan oleh murid-murid dijalankan. Para tetamu **terhibur** dengan persembahan yang menarik ini. Selepas persembahan, murid-murid dan guru-guru **memberikan tepukan yang gempuruh** kepada murid yang melibatkan diri dalam persembahan.

Aktiviti seterusnya ialah **persembahan guru**. Guru-guru **menyanyi lagu "Kami Guru Malaysia"** dan bersuara merdu. Murid-murid juga **memuji bakat guru**. Selepas itu, **murid memberikan hadiah** kepada guru kesayangan mereka. Semua murid **menyampaikan bunga, menulis kad ucapan** dan **mengucapkan terima kasih**.

Akhir sekali, **jamuan hari guru** telah dijalankan. Semua murid ingin menghargai jasa guru. Mereka telah **membawa pelbagai makanan untuk berkongsi dengan para guru** yang disayangi. Guru-guru **dijemput untuk menikmati jamuan khas yang telah disediakan**. Makanan tersebut **termasuk kuetiau, mi goreng, nasi, kuih-muih, martabak dan sebagainya**. Semua makanan yang disediakan **sedap-sedap belaka**. Menjelang pukul 2.00 petang, majlis **bersurai**.

Dalam sambutan tersebut, saya dapat **mempelajari banyak perkara**. Antaranya ialah kita mesti **mengingati jasa guru** supaya tidak menjadi **seperti kacang lupakan kulitnya**. Selain itu, kita harus **mengingati nasihat guru** agar usaha guru tidak bagai **mencurah air ke daun keladi**. Janganlah nanti nasihat guru **masuk ke telinga kanan, keluar ke telinga kiri**. Seterusnya, kita mesti **menghargai ajaran guru**. Janganlah lupa akan hakikat kemahiran itu sebaik-baik guru. Akhir sekali, kita patutlah sayang akan guru. Kita wajar **insaf akan kebenaran bahawa sukakan gaharu kerana baunya, sukakan guru kerana ilmunya**. 

Kesimpulannya, **banyak aktiviti telah dijalankan bersempena dengan Sambutan Hari Guru 2022** di sekolah saya. Majlis Sambutan Guru 2022 **dijalankan dengan lancarnya dan meriahnya** untuk **menggembirakan guru** kerana guru-guru **bekerja keras pada setiap hari untuk memberi murid-murid ilmu dan pengetahuan**. Dengan sambutan tersebut, guru dapat **merasakan bahawa mereka disayangi oleh murid-muridnya**.